



ঢাবিতে পঞ্চম ননফিকশন বইমেলা উদ্বোধন

প্রকাশিত: ১৩ - নভেম্বর, ২০১৯ ১২:০০ এ. এম.

বিশ্ববিদ্যালয় রিপোর্টার ॥ শিক্ষার্থীদের মধ্যে ব্যবসা ও নন-ফিকশন বইয়ের পরিচিতি বাড়ানো এবং এ ধরনের বই পড়তে আগ্রহী করে তোলার উদ্দেশ্য নিয়ে ঢাকা বিশ্ববিদ্যালয়ে শুরু হয়েছে ৫ম ননফিকশন বইমেলা।

মঙ্গলবার সকালে বিশ্ববিদ্যালয়ের ব্যবসায় শিক্ষা অনুষদ প্রাঙ্গণে উপাচার্য অধ্যাপক ড. মোঃ আখতারুজ্জামান বেলুন উড়িয়ে তিনদিনব্যাপী এ মেলার উদ্বোধন করেন। ঢাবি ব্যবসায় শিক্ষা অনুষদ ও বণিক বার্তার যৌথ আয়োজনে এই বইমেলায় ২৬টি প্রকাশনা সংস্থা অংশ নিয়েছে। প্রতিদিন সকাল ১০টা থেকে রাত ৮টা পর্যন্ত চলবে বইমেলা। বণিক বার্তা সম্পাদক দেওয়ান হানিফ মাহমুদের সভাপতিত্বে মেলার উদ্বোধনী অনুষ্ঠানে ব্যবসায় শিক্ষা অনুষদের ডিন অধ্যাপক শিবলী রুবাইয়াতুল ইসলামসহ ঢাকা বিশ্ববিদ্যালয়ের সিনেট ও সিন্ডিকেট সদস্য, বিভিন্ন সরকারী ও বেসরকারী ব্যাংকের ব্যবস্থাপনা পরিচালক এবং উর্ধ্বতন কর্মকর্তাগণ উপস্থিত ছিলেন।

উদ্বোধনী অনুষ্ঠানে প্রধান অতিথির বক্তব্যে অধ্যাপক ড. মোঃ আখতারুজ্জামান বলেন, আমাদের দেশে বিভিন্ন ধরনের বইমেলা আয়োজিত হয়। তবে ননফিকশন নিয়ে আয়োজিত এ বইমেলার আলাদা বিশেষত্ব রয়েছে। বিশেষ করে শিক্ষক-শিক্ষার্থীদের জন্য এ বইমেলা বেশ গুরুত্ববহ। তাদের একাডেমিক কাজে সহায়ক গ্রন্থগুলো বিশ্ববিদ্যালয় অঙ্গনে নিয়ে এসেছে এ মেলা। ভবিষ্যতেও এ মেলা অব্যাহত রাখার আহ্বান জানান তিনি।

সম্পাদক, মুদ্রাকর ও প্রকাশক: মোহাম্মদ আতিকউল্লাহ খান মাসুদ (এম এ খান মাসুদ), উপদেষ্টা সম্পাদক: তোয়াব খান, নির্বাহী সম্পাদক: স্বদেশ রায়। সম্পাদক কতক গ্লোব জনকণ্ঠ শিল্প পরিবার-এর সদস্য প্রতিষ্ঠান যথাক্রমে গ্লোব প্রিন্টার্স লি: ও জনকণ্ঠ লি: থেকে মুদ্রিত ও প্রকাশিত। রেজি: নং ডিএ ৭৯৬। কার্যালয়: জনকণ্ঠ ভবন, ২৪/এ রাশেদ খান মেনন সড়ক, নিউ ইস্কাটন, জিপিও বাস্র: ৩৩৮০, ঢাকা, ফোন: ৯৩৪৭৭৮০-৯৯ (অটোহান্টিং ২০ টি লাইন), ফ্যাক্স: ৯৩৫১৩১৭, ৮৩১৬৩৩৫, ই-মেইল: janakanthanews@gmail.com ওয়েবসাইট: www.dailyjanakantha.com এবং www.edailyjanakantha.com ॥ Copyright © All rights reserved by dailyjanakantha.com